



АСССАЛАМ

www.assalam.ru

НА ДАРГИНСКОМ ЯЗЫКЕ

РУХИЛА ВА БАГЪУДИ ТИИТБИРНИЛА ШАЙЧИБСИ ГАЗЕТА

№2 (103) февраль 2008 гус ☪ Сафар 1429 ☪ Базли зъачам дарган мезличин дурабулхъуси ☪ Багъа 15 кьуруш

ВЯГІЗА

Хамдеш, халаурхни, чедивад хлерикни, къясдеш – Аллагъличи вирххлерхни ва Къудратла ВеГлис мутигхлекни биклуси вайдешла галгаличир дакибти къялуби сари. Ил галга инсаниятла тарихлизи мурхъли ардякьунти мякъянани бихлуси саби, илди лерти сари нуша Аклахъубсили нушала дудешунала дудеш Адамлис суждабархъес шайтлайчи хъарбарихлейчирад. Илди мякъи даргес вирар Илбисли

халирулри. Къудратла ВеГли гибсилочи къабулхлейкни саби къясдеш. Илиниклун гъар секлал ункъли далути сари, сенклун Аллагъ гъар секлал далуси сай.

"Ну лебтачивалра гяхлси сайра викен", – биклули саби лебилра адамтала лихбази шайтлан. **Илкъяйда ил шайтла галга бухъес даимбиубли саби.**

Даршани ва азирти дусми шалгердурхъун. Ил галга дебалли кьуватси бетатур. Илала

баб агара. Аллагъли ца адамлис яра цабехл халкълис гякълура ахърира дедили диалли, илдани цархилтаци гуж-зулму дирес гягнелив? Чули дирути макру-гямулти цархилта хлдалули сари биклули илди? Илдани дирути Аллагълира чедиулигу, бирару илди Къиямалла бархлчуни дарибти бунагъуназибад умубизэ? Аллагъла суд члумаси саби, илини гъарил хъариси сай, ил сели виркьулил жявлил сунес ашкарли биал-

МяхІкамдеш барая

дурибти ишди гъайлизир: "Ну иличиб (Адамличиб) гяхлси сабра, сенклун Хлуни цализибад аклахъубсира, ил – глянжилизивад сайхлели". Илхлейчибад Шайтлан хамбиубси саби ва хлбирхуси бетатурси саби. Ил Аллагъличи лехлхебизурли, Адамлис суждабарес къабулхлебикибхлейчибад.

Гъарил галгализир беркибси дусла мявни дирар. Ил галгалара лерти сари дусмала мявни – илди адамтала бунагъунала мявни сари. Бунагъунала цаибил мяваллизир Адамлара Хявалара бунагъуни сари, Шайтлайчи лехлбизурли, чус Аллагъли къадагъабарисси цедеш беркни багъандан бунагълизи бикибхлели бетатурси. Илкъяйда илдани Аллагъличи лехлхебизни даклубариссири, амма илди уркли-урклилабад чузибад кабикибиличи пашманбиубтири ва Аллагъ илдачивад чевкерхурсири. **Гъарли-марли Аллагъ Чеввурхан сай.**

Клиибил мява – Къабилла (Каинна) саби, илини сабри тарихлизиб цаибил хилла – адам кавшнила анцбукъ дураберкибси. Ил такъсир бариссири гьимилочи шурбухъунси къясдешла асарлиуб.

Се саби къясдеш? Ил Аллагъли имцали сунес себиалра бедибси адамличи аклуси вайси хлял саби, илис ил секлал имцали бедниличи хлу къабулли ахленри, сенклун хлуни хлу иличив гяхлсилизи



бунагъунала мявни дабздаиб. "Нуша лертачиралра гяхлтира" биклути нацистунала бунагъунала галгала бабздеш 50 дусличи абикибсири. Гъанна илгъуна глурра бунагъунала бабза мява бетарахъули саби Америкала ва Израилла халкълира. Ил мява "чула мурадуни далтахънила" мява саби, цархилти халкъанала аги сегъуна сабил хлерхлеили. Гъар секлал биалли Аллагъли сари лугути. Аллагъ Ряхлму-чевси сай.

Ил, гъарли-марли, Сахаватсира сай. Нушаб гибти дагърира, давлара, цакаъра Аллагъли сари. Илди лерни багъандан цалра адамла яра цабехлелра халкъла чули дилахъубти сархибдешуни лерти ахлен, илдас гъар секлал Аллагъли сари дедибти. Адамтас хамбиэс сегъуналра са-

лира. Гъарилли дарибти Аллагъли хъумуртути ахлен.

Къудратла ВеГ бархъагарси барахъили хлевъар. Ил сай веГлара Вархъси Судья...

Лагдяхл хлердизес замана баили саби, Аллагъла къанунти хясибли хлердирес замана сабаили саби. Дигилизир хлердирес хляжатли саби.

Къясдешла, халабурхнила, хамдешла, цали сай итилличив гяхлсилизи халируси замана таманбиубли биэс гягниси саби. Шайтлай убатурси вайдешла галгала мякъячи шин кертнлизирад гелумдизес замана баили саби.

Вайдешла галга бухъули калалли, илала къялуби зубрази адаэс асубирар, илала агъула цледешли биалли дунъя палакатбиру.

Аллагълис деза – мусни-зубрала ВеГ ил сай!

ХУТІБА

Гъимилочивад чедиикес

Чевяхлси ва Къудратла ВеГ Аллагълис, дигянтира гъаргтира далусилис, лагълис камси бунагъ багъандан тамбихлбарес ва халаси бунагъличивадра чевверхес вируси мусни-зубрала веГ-беклис деза. Нуни бикридеш дирулра ца Аллагъ ахленси цархил аллагъ агнилис ва Мухаммад илала лагъ ва вакил виънилис. Аллагъла саламти диаб веГла гьегъисигъуна Идбаг-лис, илала хъалибаргис ва илала лебилра икъалачибас.

Эй, адамти! Урухлена хлуша Чевяхлси Аллагълизирад ва къасбарая ил хлушачи разивиахъес. Ил мурад сархес вирар илала хъарбаркьун мар-марли ункъли тамандирулицун.

Дурхъаси Къуръаннизиб Аллагъли (Дурхъаси сай ва Чевяхлси сай ил) сунечи уркли-урклилабад битиклути адамтала хасдешуначила бурули сай: "Ряхлму-урклецила ВеГла лугъри – илди ванзаличибад халадеш агарли башути ва цябти адамти чучи дугъабизалли, илдази "Хлушаб даршудеш" биклути адамти саби" (Ал-Фуркан, 63)

Даширая гъанна нуша секъяйда чедиб гъанбушибси Дурхъаси Къуръанна аятлизиб чучила бурибтигъунти детаэс дирехлел гъайкадулхъехлену.

Къудратла ВеГли лерилра секлал дедибси адамра сунела духлнар лерти къиликъуначил сунечил сай цунулхъуси сай: илизир бунагъуни диресра къас леб, гяхлти баркъудлуми дурадурклесра дигули сай, лайикъагарси барили урузиэсра дигули ахлен илис, Аллагъли къадагъадарибтазивадра гъарахъли уэс дигули сай. Цархилван буралли, адамлизиб гяхлдешуни дирес къяйдали, вайдешуни диресра имкан леб.

Номерлизир делчленая:

2 ГЯХІДЕШУНИ ДИРЕС КЪАЛАБАДИКІЕНАЯ

Хлушазибад беглара гяхлти – адаб лерти саби



4 АЛЛАГЪЛА РАСУЛЛИЧИ ☪ ДИГИ

Мухаммад ☪ – идбагунала мугъур



6 АДАБУНИ

Палтар челгънила адабуни



7 ИНТЕРНЕТЛА ПОЧТА

Шайтлайчил ихтилат



АЛЛАГЪ ГЯХІДЕШУНИ ДИРАН САЙ ВА ГЯХІТИ БАРКЪУДЛУМИ АХИИ ИЛИНИ ГІУР СЕЛРА КЪАБУЛХІЕБИРУ

СИЯХІ

СУННАТЛА ДЕХІБУЛТИ

Хіери гіергъила
(дакъала) дехіба
ратибатунни

Хіери гіергъи дирути фарзла дехібайс гьалар авал ракаглатла суннатла дехібала дерахъес маслигъатдирути сари. Кіи-кел ракаглатла дерахъес маслигъатдирути сари илди, амма цахнарли даресра асубирар. Илди дирес илцад чебси ахленгу, амма Идбагликун ☞ бурибсири: **"Хіери гіергъи дехібала дирухлели суннатла авал ракаглатла ратибатунни дирусилчи Аллагъли уркеци бараб"**. Ил багъандан илди дехібала дирни гяхси саби. Аллагъликун сунези барибси цалра балга жаваб агарли балтуси ахлен.

Табранини баахъибси хядислизиб бурили саби: **"Хіери гіергъи дирути дехібайчил суннатла авал ракаглатла дехібала дарибсилс Аллагъли жагъаннаб хіярмбарибси саби"**.

Ратибатла суннатла дехібала сегъуна-биалра са-

баб ахъили фарзла дехібайс гьалар дарес бетхлеалли, илди фарзла дехібала дарили гіергъира дарес вируси сай.

Бархлехъла
дехібалала
ратибатунни

Бархлехъла фарзла дехібала дарили гіергъи кел ракаглатла суннатла дехібала дерахъес дебалли маслигъатбириси саби. Гяхси саби кел ракаглатла ратибатунни бархлехъла дехібайс гьалар дирни. Азаннара къаматлара ургаб замана кали биалли. Идбагла ☞ икъалачиби азан аргъибмад мижитлизи гьалакбиклутири, кел ракаглатла суннатла дехібала дарес балкъаэс багъандан. (Иличила бурули саби хядисуназиб Бухарили, Муслимли ва цархилтани).

Имам Гяхлматли ва цархилтани баахъибси хядислизиб бурули саби, Идбагли ☞ ишкъяйда иб или : **"Гьарил азаннара къаматлара ургаб ца дехібала лебси**



саби, дигули ахъибсилли ил барес вируси сай".

Имамти леб бархлехъла дехібайс гьалар дирути дехібала лерти ахлен биклутири, ил бирахъес маслигъатра бириси ахлен или бурутири. Амма имам Нававини бурули сай бархлехъла дехібайс гьалар суннатлара дерахъес маслигъатбириси са-

би или ва иличила бурути лерилра хядисунни дирхалачерти сари виклули сай.

Аш-шайхул Акбар Мухиддин ал-Гярабини бурули сай: **"Илди келра ракаглат дирес суннат саби, адамта хледирули далтули хьалли, илди дарни багъандан бириси гяхидешличила сай Къудратла Веглицун саби балуси"**.

Амма черлидиубти дехібала дируси замана бехібхъили биалли, яра хлу чучил дарх дехібала дерахъес хлerti лебли биалли, яра ктамат зайбухъалли, илгъуна анцбукулизир суннатла дехібала фарзлайс гьалар хлedarалли гяхси саби.

Дугила дехібалала
ратибатунни

Дугила дехібала дарили гіергъи кел ракаглатла ратибатунни дерахъес дебалли маслигъатбириси саби. Дугила дехібайс гьалар кел ракаглатла ратибатунни дирнира сунна саби. Нушала Идбагли ☞ тикрарбирисири азаннара къаматлара ургаб дехібала лерти сари или ва гур имцабирисири: **"Чис дигули виаллира илди дарес асудирути сари"**. Илгъуна хядис нушачи баахъиб Бухарини ва Муслимли.

Бархлехълара дугилара дехібултас гьалар дирути суннатла дехібулти дарес гьамадти сари, ва илди дирули бирар "Фатихляис" гіергъи диштати сураби дучули.

ГЯХІДЕШУНИ ДИРЕС КЪАЛАБАДИКІЕНАЯ

Хіушазибад бегіларара гяхити –
адаб лерти саби

Билал ШАРИПОВ

Бахъал бусурмантас гъанбиркули саби, саби дубра бурцули, гьар бархли шудехлелра дехібалара дирули, закатра лугули, хляжлира башули биалли, чучи хъарти секіал иличирли тамандиубти сари или. Амма илкъяйда ахлен анцбукуь. Исламла хьулчни чекадизурли тамандирули гіергъира, нушала Идбаг ☞ жииклусири нуша адаб-хляяла бегіларара гяхити къиликъуначил дегдідерахъес.

Сунела хядисунала цализиб бурни хлясибли, илини иб: **"Гьарли-марли, хлушазибад бегіларара гяхитигъунти – илди адаб-хляяла бегіти саби"**.

Цархил хядислизибра бурули саби: **"Къиямалла бархли динничи кайзурсила умцантациб адаб-хляяличиб декіси селра хлехбирар. Гьарли-марли, Аллагълис лайкъагарти ва вайти гъай дируси хлехгахъу"**.

Ва сай Идбагра ☞ бегіларара черяхити адаб-хляяла къиликъуни лерси вирусири, илини адамтала уркібала диги сархутири гяхити хлял-тлабигъат-

личил ва умти адаб-хляяличил, пергер баркъудлумачил.

Къудратла Вегра сунела дурхъаси Жузлизив виклули сай: **"Гьарли-марли, хлу (Мухаммад) черяхити адаб-ла вегі сайри"** (68:44).

Идбагла ☞ шаликартанара кумекчибанира иличила дебалли гяхити пикруми дурутири.

Анас ибн Малик викли: **"Аллагъла Расул бегіларара черяхити адаб-хляяла адам сайри"**.

Нушала Идбагли ☞ галгала удиб бамсриихъуси замана иличи ца бедуин някълизиб шушкаличил ил кавшес



къасличил гьамиубсири ва илини ибсири: "Ва Мухаммад, гъанна чини сайри хлу набзи валтахъуси?" Нушала Идбагли ☞ иб: "Ну Аллагъли валтахъара!"

Ил замана Жабрагил маляк вагъариуб ва бедуинна някълизибси шушка каби-кахъиб. Илхлели нушала Идбагли ☞ иб: "Гъанна хлу набзи-вад чини валтахъари?" Агикъяйда илкъяйда дарсдиънили тамашавиахъуси бедуинни ишгъуна жаваб бедиб: "Чинилра хлелтахъара". Илхлели нушала Идбаг ☞ иличивад чевкерхур ва сай кавшес валлизурси адам ватур. Илхлели

бедуинни Ислам къабулбариб, Идбагла ☞ шайзирадти илдигъунти халати адамдеш къиматладарили.

"Гьарли-марли, хлушазибад наб ва Къиямалла бархли дила мякълаб къаршибикибтас бегіларара дигутили бирар бегіларара гяхити адаб-хляя лерти, Къиямалла бархли набчибад гъарахъли бирар хамти, имцати гъайли биркъути, дахъал гъай дирути" (Хядис).

Нушала Идбаглизирти черяхити адаб-хляяла къиликъуначила бурули саби Жабир-

ли нушачи баахъибси Идбагла ☞ ишгъуна хядислира: **"Гьарли-марли, хлушазибад наб ва Къиямалла бархли дила мякълаб къаршибикибтас бегіларара дигутили бирар бегіларара гяхити адаб-хляя лерти, Къиямалла бархли набчибад гъарахъли бирар хамти, имцати гъайли биркъути, дахъал гъай дирути"**.

Сегъунтилла вас-васъала агара нушазибад имцатигъунтас Къиямалла бархли саби Идбагла ☞ мякълаб биэс дигули биъниличи. Къиямалла бархли чула дурхленира, гьамтира чучи хлerti гьазбатчи къакъабиклес гьагнитти саби ва ил багъандан Идбагличи ☞ гьамли уббухъес багъандан илдазирра диги адикъес чебиркур.

Къудратла Вегли нуша

лебтасалра дигуси Идбагличи ☞ гьамтили детаахъаба Къиямалла бархли. Амин.

ХУТІБА

Гъиммиличивад чедиикес

144

Уркі хіегълизибад умубирули, рухла шайчиси бяркъ касили вирули сай адам вайти секлал дирнилизивад гелумизес. Вирхуси адам илкъяйда сай лерилра сунезирти далагардешуназивад умувируси. Селисалра гъалав, илгъуна гъуйчи кайзурси адам тлабигъятла бегла вайти къиликъунази халдирути сабабагарли гъимуркнилизивад, гъамадли хіяйзивад улхънилизивад ва гъясирнилизивад гелумизес гъягъисаи сай.

Илдигъунти хіяланала асарлиу викибси адамла бухна дунъя гъимили ва гъясидешли бирцули саби, ил камси секлайчира виуси ветарули сай, хіял-тлабигъятливи вижгурси ветарули сай. Илкъяйда, ил сунела хіялани сунезир дихлес хейруси ветарули сай, илала дагъри булан дамкъурти замунти дирули сари.

Мицираглича хаста хіяланази виркнилизивад берцуди, нушала нафс нушала шайзибадси херудилиуб бихіни гъунчибушес багъандан веглизирти сабур, паргъатдеш, уркі гъалакхлебикни ва цархилти гъягъи тлабигъятла къиликъуни устадешличил пайдаладирес бурсивънилизивад дигахъуси саби. Чянкъили илкъяйда сай гъамадли сабурлизивад улхънилизивад, камси секлал багъанданра гъясивирнилизивад гелумизес бурсивизес вируси.

Абу Дардани (Аллагъ къабулли калаб сунечи) нушала Идбаглизи ۞ хъарбаибсири: **"Бурагу набзи, секъяйда вирусил алжана сархес?"** Идбагли ۞ илис жаваб бедиб: **"Гъиммаркюд!"**

Камси заманала гъергъи гурра сунела икъалачибазивад ца Идбагличи ۞ дугъайзурли уили сай: "Дила ахъри биклули ахлен набчи хъарти лерилра секлал дагъес. Аллагъла Расул, талих секъяйда баргес вирусил хіуни наб насихъят бура?" Идбагли ۞ илисра гъалаблагуна жаваб сабри бедибси: "Гъиммаркюд".

Цархилти дурхъати хіяди-суназибра бурили саби:

"Аллагъли гъимхеркьуси адамла бунагъуни дигъандиру";

"Аллагъла лагълис Аллагъ сунечи гъимхлевкхъес имкан лугуси беглар гъягъисаи тхяяр гъимхеркни саби";

"Гъарли-марли цаък – ил зурбаси цаъкьла вегл ванзаличи кайкахъес вирни ахленну,



гъимуклахъибхелера гъясидеш бихлес вирни саби".

Идбагунани ۞ чула насихъятуназиб секъяйдади гъимуркни ва гъясивирни тлашаэс вирусил бурисири. Чевурхни – ил саби уцахъуси беглар умуточеси гъимир, ил саби гъимуркнилизивад гелумизес дигъисилис беглар гъягъисаи дарман.

Юсупли ۞ сунела узбас чеббидес имкан агархелели, илдани сай хелтухелера ва кавшес дигухелели булан, ил дачивад чевверхес къасбурсири. Илди саби кинайс барисиличи пашманбуххелели, илизи биклутири:

"Хъябирулра, гъарли-марли, Аллагъли хіу нушачив чевягъарри, нуша хіела гъалар гъяйибла дегти сарра". (Юсуф,91).

Иличибра имцали, даршдусмазиб сунела баркъуди гъибратли калахъи, илини ۞ жаваб бедиб: **"Хіушаб ишбархли танбихи хлебиру, гъяйиблизира хледурцура. Аллагъ чевверхаб хіушачивад. Ил сайгу веглар халати Ряхіму-уркѐцила вегл ва Чевурхан"** (Юсуф, 92).

Чевурхнила шайчирти дахъал гъибратуни ва хъумхертести мисалти даклудирули калунсири лерилра гъямулизив нушала дурхъаси Идбагра ۞. Макка буцибси бархли ил сунела дудешла узи Хіамза кавшибси ва илала дудекъ къябарибси Хинд биклуси хъунул адамличивад чевверхурсири. Илала дуравад, Идбагли ۞ канализив виштгал левси сунела рурси Зайнаб валриличирад лайракъибси Хабир бин Асад-

личивад чевверхес булан цаъкъани даргъибтири. Илдигъунти мисалти нушала Идбагла ۞ гъямулизир лугилашал дебали дахъал диубтири.

Идбаг ۞ сегъуналра анцбукълизив хіяйзивад улхъуси ахленри, гъясивириси ахленри, амма чичи-биалра къаршили хілла дураберкхилхелели, чила-биалра мурадуни дялчухелели ил гъи-

Хіела уркі къяркъси, тлабигъят чурхси диалри, илди хлечивад гъарахъбирки. Илхелера хіу ил дачивад чевурхен ва ил дачивад чевверхахъес Аллагълизира тиладиикен". (Ал-Пимран).

Цархил аятлизиб Къудратла Вегли гапбирули сай къян-жапализи бикибтас кумекбирути, чус вайси барибтачира гъимхлебуклес бирути. Или-

Дурхъаси Къуръаннизиб Аллагъли (Дурхъаси сай ва Чевягъисаи сай ил) сунечи уркі-уркѐлибад битиклути адамтала хасдешуначила бурули сай: **"Ряхіму-уркѐцила Вегла лугъри – илди ванзаличивад халадеш агарли башути ва цѐябти адамти чучи дугъабизалли, ил дачи "Хіушаб даршудеш" биклути адамти саби"** (Ал-Фуркан,63)

муркьусири ва илкъяйда кавлусири бархъдеш чедибикайчи яра гъяйибла вегл жавабличичи витлаклайчи.

Сай багъандан ил сегъуналра анцбукълизив гъалакируси ахленри. Ил сай вегти мурадуни датахъес вализули хейри. Историкунанилра баргес бирули ахлен ил сунела мурадуни далтахъули чичи-биалра гъимукъибси анцбукъ гъанбушес. Вайкъасла баркъуди дураберкниличила къалли гъайра диз хледирар. Или-зирти илдигъунти къиликъуни Аллагълира Къуръайзир гапдирули сай:

"(Ва дила Расул) Аллагъла икъайчил хіу малхямси ва ряхімучевси ветарури.

рулхъуси виъниличила сунела хабар дерхурси Гъяли асхяблис селра ахленри шушка гъакбарили, ил капурла бек чеббушес, амма ил хлебариб – ил сунела уркіла жиличи лехлахъиб ва сунела хабарла Зулпикъар (бяхъибхелели келеран) шушка ванзаличи гъяшкабуциб.

Ванзаличивси ва гъанна сунела бек чеббирхъу или херси капур илала баркъудиличи левглев тамашавиуб ва Гъяли асхябличичи дугъайзур: **"Ва Гъяли! Сен хіуни гъими ряхімуличичи барсбарри?. Сен дила бек чебхлебурули?"**

Илхелели Аллагъла Расулла ۞ узикъар Гъяли-асхябли ۞ иб: **"Ну Идбагли ۞ гъибси Зулпукъарличил Аллагъла дин кабизахъес ургъусира. Ну капуртала ва кибхянтала сайра душман. Хлед дигули ахъиб ну гъясивиахъес, гъимуклахъес. Ил биали бусурманничичи лайкъси баркъуди ахлен. Ну дявли дуравхъунси Аллагъ багъандан сайра, адамтачичи гъими ахъес ахленрану"**.

Илгъуна черхъати адабла баркъудили ил капурла уркіличи булан асар барибсири. Сунечи даклударибти малхямдеш, ряхіму, уркѐци пикрилиси касили, ил адамли бусурман дин къабулбарибсири. Гъяли асхябли сай кавшес вализурси капур адабла баркъудиличил сунела шайчи кайзахъур.

Нушала чебяхіти хала бегтанера Идбаглизибад ۞ ва иличи гъамти адамтазибад гъибрат кайсусири ва асилти баркъудлуми дурадуркьутири. Хъумартес вирару чебяхіти имамтазивад цали – Шягъибни барибси: ца адамли сай дугла шайчив гъимуклахъибхелели ибсири: **"Хіуни бурибси бархъси биалли, Аллагъ набчивад чевверхаб, хіуни бурибси къяна биалли, илхелели Аллагъ хлечивад чевверхаб"**.

Хъуммартидая дила бусурман узби. Къуръаннизиб Аллагъли хъарбирули сай: **"(Дила Расул), ряхімучевси ви, уркѐци бирен, гъягъидеш бирахъес жибирен ва цѐябтачивад гъарахъли ви.."** (Ал-Араф, 119).

Ва Аллагъ! Нушала рухлизибси вайдешла ясиртили детмарахъаба хіуни нуша. Дин бузахъути адамтала уркібара рухіра Хіела ряхімула шалали дицахъен. Хіу разили калунтачил дарх диахъаба нуша мурталра, дебкхилхелера ил дачил дарх диахъаба! Амин.

Мяхічкъалала беклибубси мижитлизиб белчунси

ВА АЛЛАГЪ! ХІУНИ НУШАБ ИШ ДУНЪЯЛИЗИР ГІЯХІДЕШУНИ ДИРЕН ВА АХИРАТЛИЗИР ЖАГЪАННАБЛА ЦІАЛА
ГІЯЗАБТАЗИРАД ДЕРЦАХЪАБА

СИДЯХ

АЛЛАГЪЛА РАСУЛЛИЧИ ﷺ ДИГИ

Мухаммад ﷺ – идбагуназивад веґла ґерґиси сай, илис ґерґи цархил идбагалкис ахлен, иличибли таманбирути саби идбагуни бурхънила баркьуди, ил идбагунала мугьур сай.

Мухаммад идбаг ﷺ христиантала тарих хясибли 570 ибил дусла апрельла 20-личив (бусурмантала хясибли ил Рабиг-ул-Аввал базла 12 саби, итни бархи) Маккализиб херибуруси Къурайшитунала къамлизибадси Ғашимхъала жинслизив. Илала дудешлис Ғябдуллағъ, нешлис – Аминат биклусири. Ит замана ґярабу-

ґяргбаркь (вахлю) иличи баибсири. Ил Хираґла ґиникьлизив цунухъунси замана хабараґарли иличи Жабраґил малаик ваґариуб ва буйрухъбариб: "Икьраґ!" (Учлен!). Мухаммадли ﷺ жаваб бедиб: "Нуни учлес хлебалас". Ғяри-марли илини учлес балуси ахленри. Малаикли буйрухъ ґурра тикрарбариб ва илини ґялаблагъуна жаваб аргъиб. Жабраґил малаикли буйрухъ хяйнайсра тикрарбариб: "Учлен Къудратла Веґла уличил! Илхелли Мухаммадли илди дугьби тикрардариб ва илди сунела уркилизи атлунтин дизур. Жабраґил малаикли Мухаммадлизи ﷺ буриб хлу идбаг-Аллаґла вакил сайри или.

Илхейчибад бехлихъибсири Къуръан хъурабирни. 23

сай биклули, иличи бугътантис чедуршутири. Капуртани чула лерилра цақьани илини тинтбируси динничи кьаршили дяхчиулири. Иличиб дуркаркьулри, дурхли иличи ґирбирулири, ахмах хьунул адамти бяхчиутири ил кьаркьубала варахъес, илди иличи чебулхъутири, кьаркьуба иртутири, ил кавшес булан балбилзутири. Мухаммадлира ﷺ илала шаликартанира Аллаґ баґандан ва илала дин баґандан илди кьянжапа сабурличил чекайсулири.

620 ибил дуслизив, идбаг ветаули веґал дус дикьхели, Аллаґли ил зурази ахъуциб. Ғала-ґала Аллаґли ил Маккализивад Иерусалимлизи арукиб, илабси Байтул Мукъаддас биклуси дурхъаси мижитлизи, ґур



Мухаммад ﷺ –

идбагунала мугьур

начиб бузахъуси ґядат хясибли ил кел дус виайчи Саад биклуси къамлизирадси Хялиматли михъирличив ухъахъули калунсири.

Идбагла ﷺ дудеш урши аклес кел баз лералли, 25 дусла ґямруличив вебкиссири. Неш ребкиссири урши урегал дусалра хейубли левалли. Ил ребкили ґерґи Мухаммад ﷺ кел дус дудешла шайчивадси хала дудеш Ғябдул-Мутталибличив херирули калунсири. Ил гехлел дус виубхели, хала дудешра вебкиссири. Илхелли Мухаммад ﷺ дудешла шайчивадси дудешла узи Абуталибли сунечи арукиб.

Мухаммад ﷺ жявли узес вехлихъиб, маккаланта лама дукидикусири. Виштали левалли ил ґяхти хял-табигятличил, малхямдешличил, хялалдешличил, бархъдеш бурниличил, бирхауди марбирниличил, серхурдешличил, къасчевдешличил, духудешличил ва цархилти ґяхти кьиликьуначил декларулхъусири.

25 дусла ґямруличив Мухаммад ﷺ давлачерси ва ґяхси хъалибарґлизирадси гамъа Хадижатличи илала сипталичил хъаллавиубсири.

Хадижатличи хъайчи кабиэс дигути машґурти адамти ґурра бахъал лебтири, амма илдас шеру рукеес къабулрикибси ахленри.

Мухаммад ﷺ сунела къамла ургав хялалси, умутбихъеси, сегъуналра анцбукулизиб къяна хлебуруси ва чилра вирґяхлергуси адам сайливан валусири.

Христиантала тарихла 610 ибил дуслизив, ил 40 дусла ґямруличив сайхели, цаибил



дус калунсири Мухаммадличи Къуръан бурхъули. Хяжатдешуни алкни хясибли, Къудратла Веґли Къуръан инсаниятличив бутнадли баахъибсири.

Мухаммад идбаг ﷺ бухъянси заманализив халаси сабурличил дин тинтбирули калун. Исламлизиб чуни дузахъути ґядатунас ва тяхяр-кьяйдалис урехи лебни баґурли, къурайшитунили иличи чумали кьаршили кабизур. Мухаммадлисира ﷺ илала ґуни буцибти ґялаб-ґялабти адамтасра бахъли ґелабадкабиркули калунтири къурайшитунили, илдачи адабла шайчибра ґяж бирусири, иткьяйдара балтути ахленри.

Шяґир сай, палчи сай, ґямултази ахъибси адам сай, шайтунтачил вархвасунси

илавад ґяршличи ахъуциб. Илар илизи дахъал тамашала секлал чедаахъибтири, илаб

Мухаммад идбаг ﷺ бухъянси заманализив халаси сабурличил дин тинтбирули калун. Исламлизиб чуни дузахъути ґядатунас ва тяхяр-кьяйдалис урехи лебни баґурли, къурайшитунили иличи чумали кьаршили кабизур. Мухаммадлисира ﷺ илала ґуни буцибти ґялаб-ґялабти адамтасра бахъли ґелабадкабиркули калунтири къурайшитунили, илдачи адабла шайчибра ґяж бирусири, иткьяйдара балтути ахленри.

сабри чузирад кадикибти вайти баркьудлуми баґандан ґязабтазибти адамти чебаиб-

ти, идбагуначил ґуниваиб, илис Аллаґла дахъал дигляндешуни ґяргдарибтири, амма илдачи илини цархилтази селра буруси ахленри. Аллаґли идбагуназивад ил ахленси сунечи ахъуцибси ахленри, илинира бурули саби илис хасси хурмат барили биъниличила.

Христиантала тарих хясибли 622 ибил дуслизив, идбаг ветаули 13 дус дикьхели, Мухаммад идбаг ﷺ Къудратла Веґла хъарбаркь хясибли цаибти бусурмантачил варх Маккализивад Ясриблизи гечиубсири. Кинайс ил шаґарлис идбагла шаґар – Мадина ибси у бедибсири. Ил гечбиъниличивад (ґяраб мезли илис "хияра" биклар) бехлирхъуси саби бусурман-

дурґби детауртири. Ислам дуб-дубли Ғярабияла байхъуостровличив тинтбирулири. Идбагли ﷺ адамти Исламла диннизи битиклулири ва бусурмантала тяхяр-кьяйда дузахъес бурсибурулири, асудирути ва къадаґадарибти секлал далахъулири, келра дунъялизиб чус икьалабиэси ґуни ґеббурулири, адамтази дахъал караматдешла анцбукулири (мугъжизатуни) чедаахъиб. Даґри лерти адамти Идбаглис ﷺ ґелабад башулири. Гечбиубли веґал дус дикьхелис лебилра Ғярабияла байхъуостровличив Ислам тинтбиублири.

Мухаммад идбаг ﷺ Ислам таманни бусурмантачи баахъили ґерґи, 63 дусла ґямруличив Хиярала 10-ибил дусла Рабиг-ул-Аввал базла 12 ибил бархи (христиантала тарих хясибли 632 ибил дуслизив) Мадина шаґарлизив вебкис ва ила хяриихъиб, сунела хьунул Ғяйшатла хъулив, Идбагла мижитла мякьлав. Мижит халабарибхели, Идбагла ﷺ хяб мижитла бухнаб бетаур.

Идбагла ﷺ икьалачибас асхябти биклар. Имцали машґурти асхябуни саби Абу-Бакар, Ғумар, Ғусман ва Ғяли, къанниван илди лебилра ґяб-ґерґили халифунлири бетауртири – бусурмантала халабегилтили. Илди тарихлизиб дурхъати, бархъти халифунли калун, сенкун Исламла чебаахъибси ґуйчибад чебхлебалки башутири.

Къудратла Веґ Аллаґ нушаб икьалавиаб Мухаммад идбагли ﷺ чебаахъибси ґуйчирад черхледалки дашахъес.

АЛЛАГЪЛА РАСУЛЛИЧИ ﷺ ДИГИ

Идбагличи ﷺ иман ва диги

Идбагли ﷺ иб: "Хушазивад цалалра дин таманси (иман лебси) бетхлерар, хушаб ну хушала дурхначив, дудешличив, лебилра адамтачив дигахъусили ветхлеурли левалцадхи" Аллагъличи таманси бирхауди – гъарил бусурман сунечи хуликүси чебахъси мурад саби, сенкун гъарли-марси ва бархъси дин – ил иш дунъяличибра итил дунъяличибра талихлис хъяббурц саби, иличи ваахъес икъалабируси къакъбахъ лебси саби – ил Аллагъла Расулличичи ﷺ диги саби, сенкун илини сай Аллагъличи левкуси. Аллагъличи ва илала вакилличичи диги – ил саби динна беклибиубси бухнабуц, Исламлизир беглара ахъли кыматлади ирути дурхъадешуназибад беклибиубси ил саби. Аллагъ дигахъусицун ви-эс вирар илизивад гъарли-марли урухкүсили.

Идбагличи ﷺ дигила мягна сегуна сабив? Идбаг ﷺ дигахъни – ил ил чевяхъирни, илала хурматбирни, диннис гъайличил ва баркүдилличил кумекбирни, илала адаб-хіяя глерисни, илала Суннат ва Шаригъят дурхъниличил чекайзни саби. Аллагъла Расул хлейгахъуси адам илала Сунналичи ва Шаригъятличичи чекайзурлира викүли виалли, ил къумбаугъули сай, Аллагъла Расул дигахъуси адам илала гъуйчивад вашуси, илизирти пергер къиликъуни сунезирра диахъес къайгъилизивис адам сай. Сай Идбаглира ﷺ бурусири: **"Хушазивад цалалра дин ва иман таманти хледирар, нуни се хилрал хушаб, ил дигахъути детхлеурли лералцадхи"**.

Аллагъла Расулличичи диги – кабизалачебти ва Аллагълизибад урухкүти лебилра бусурман адамти сархес мурталра хульбикүси даража саби, ил урклила цакъ саби, рухила хурег саби ва илдигъунти диги сунезир агарси адам вебкисиличи мешуси сай. Илди диги агарли вирхуси адам нурли шалаварили хлейрар, Аллагъла Расулличичи диги урклилизи минадиубси муъмин адам сай гъарли-марли ара-сагъси ва рухила шайчив умуси, сенкун адам сегуна саял илала баркүдлумани бурули бирар. Нушала дурхъаси Идбаг ﷺ викүсири: **"Адамлизиб бирклан лебси саби, ил сагъли биалли лебилра къаркъала сагъли бируси саби, ил зягипли биалли – къаркъалара изули бируси саби. Ил – урки саби"**. Расуллагъ асхябтас, илала шайчибти табигинтас илцадра дигахъусири, хятта илди-зирти Идбагличи ﷺ диги

цархилти бусурмантас гйбратли дирутири. Савбан ибн Малик бикүси асхябтас Расуллагъ илцадра дигахъусири ва ил чехлейухъели халаси децлизив вирусире. Гъачамра ил Идбагличи ﷺ пашманни кайзурли вакибхъели, илизи Идбагли ﷺ хъарбаибсири: "Хлед се бетаурли?". Савбанни иб: "Ва Расуллагъ, ну зягипли ахленра, амма ху чехлейухъели ну къиянти цундешлизи виркулра. Ху чайчи ахиратличила пикриикүлра ва ху чехлеили илав вагъариишагу или къакъаикүлра, сенкун ху итхъели идбагуначил варх вируд. Ну алжайзи ваасли, сеннира хъела юртличи гъамли вирус. Илизи ахлецасли, нуни ху гур чез хлейрус". Илхъели Аллагъу Тагъялани (Къудратла Вегили)

Идбагли ﷺ иб: **"Хушаб гъяхдешуни дирни багъандан ва лигматуни гибни багъандан Аллагъ дигахъеная, ва ну дигахъабая, сенкун Аллагълис дигахъуси сайра, дила хъалибаргъра дигахъеная, сенкун ил набра дигахъула"**. Идбагличи ﷺ диги – ил Аллагъ валниличичи айцүси рухила ганзигъунти сари.

глергъиси аят бархъиб (мягна): "Чи Аллагълисира илала Идбаглисира мутигли виаллира – ил илдачил вирар, Аллагъли идбагунала ургабад гъалаб чебаибтачил варх вирар, илдала пергер валликъана сайлин".

Аллагъла Расулли ил аят белчунхъели Савбан дебали разивиубсири, ахиратлизив сай иличил варх вирниличила багъурхъеливан.

Гъяли ибн АбуТалиблизи хъарбаили буилри: "Аллагъла

Расул хушаб секъяйда дигахъадари?" Илини жаваб бедиб: "Аллагъличи хъябирула, ил нушаб нушала лебдешличив, нушала дурхначив, нушала бегтачив, милигдешли гъяжиз-дарибхъели дяргибти шинничивра цакъли вигахъира".

Лебилра асхябтас Расуллагъ чула гъямуличив дурхъасири ва ил багъандан жан дедес хядурли бирутири. Гъачам асхяб Зайд ибн Дафна бикүсисили мушрикъуни (бахъал аллагъунас суждабиранти) гйебаили саби ва ил кавшес дигули буили саби.



Илдазивад дуравхъи Абу-Суфъяни илизи хъарбаили сай: "Ва Зайд, гъанна хлед дигахъадив хъела мерличив ишав

нушачи вархъили, Мухаммад ﷺ Къиямалла бархъира нушадалтахъанни вирар, илхъели саррагу нуша беглара кумекличи хъяжатли дирути".

Идбагли ﷺ иб: **"Хушаб гъяхдешуни дирни багъандан ва лигматуни гибни багъандан Аллагъ дигахъеная, ва ну дигахъабая, сенкун Аллагълис дигахъуси сайра, дила хъалибаргъра дигахъеная, сенкун ил набра дигахъула"**. Идбагличи ﷺ диги – ил Аллагъ валниличичи айцүси рухила ганзигъунти сари.

Асхябтасра, мугъажиртасра ансартасраван, цакъли дигахъусири Расуллагъ, илди дигила беглара ахъси даражаличи баибтири. Секъяйдали разивиубтирил илди Идбаглизибад ﷺ Къиямалла бархъи гъарил адам сунес дигахъусила мякълав вирар или аргъибхъели!

Гъачам ца адам Идбагличи ﷺ гъамуубли сай ва хъарбаили сай: "Къиямалла бархъи мурт сабиура?" Идбагли жаваб бедили сай: "Хуни ил бархилис се хядурбарилри?" Ил викүли сай: "Нуни дахъал дуббуцира дуцили ахленра, балгнира дарили ахленра, садакъара бутили ахленра, амма наб Аллагъра илала Расулра дебали дигахъула". Илхъели Идбаг ﷺ викүли сай: "Ху ит бархли хлед дигахъутала мякълав вируд". Анасли бурибсири: "Ислам къабулбарили глергъи беглара разидиубси анцбукъ Расуллагъли хуша хушаб дигутала мякълар дируда или бурибхъели сабри. Анасли Идбаглизи ﷺ илхъели иб: "Наб Мухаммадра, Абу-Бакарра, Гумарра дигахъис

ва илдала мякълав вирус или хуликүлра".

Гъачам ца палтарла уста-ли Расуллагъ хурегли вахес живариб ва сунела хулиб къаршибикибси беркала гъала кабихъиб. Илдачил варх Анасра левсири. Мухъила къацфра сабри лебси берубси диълизирадра къабакълизирадра дарибти нергъра. Идбагли къямлизибси къабакъ халаси иштхъиличил беркун. Илхъейчибад Анаслира къабакълизизабад барибси хурег иштхъиличил букусири ва викүсири: "Сен гъяхъси хурег сабрил ху, идбаглисира дигахъуси".

Идбаг ﷺ вебкили глергъи, иличи гъамтазивад цаличи бекла гъамбикүхъели, ил разивиубсири Расуллагъ чез биркур или. Идбагла азанчи Билал убкүхъели, илала ху-нул рисули вярликескарибсири: "Сегуна децал!" Билалли биалли иб: "Сегуна разидешал – жягъял нуни Расуллагъра илала асхябтира чебиис".

Имам Малик Идбаг ﷺ беглара чевяхъирутазивад ва дигахъутазивад ца сайри. Илини Идбагла ﷺ хядисуни дазала агарли дучүси ахленри. Учлес вехъихъили глергъи я ил себиубли хъалли къябиуси ахленри. Гъачамра илини Идбагла ﷺ мижитлизиб хядис бучүси замана илала къашлизи гъякъраб чуйнал къацбикунсири, амма илини хядис бучни къябаибси ахленри. Ил гурра Мадиализивад урчиличичи мурдали вашуси ахленри, хятта ил барес хъяжатдеш лебли биаллира.

Идбагли ﷺ иб: "Динна муридеш сегуна сабил бала сунезир хъябал секлал лерсилуцун: Аллагъра илала Вакилра дигахъусилира, Аллагъ багъандан цархил адам дигахъусилира, жагъаннабла цализи лайикнилизивад Идбагли ﷺ верцахъили глергъи, вирхлерхуси ветас урухкүсилира".

Гумар ибн Хаттабли иб: "Ва Расуллагъ, наб ну халхъерасли, ху лебтачивалра дигахъури". Илис Идбагли ﷺ ишгъуна жаваб бедиб: "Дила рухли чизир сарил, иличи хъябирула, хлед ну хуличивра имцали вигахъес гъягъисира". Камси замана дикибхъели, Гумарли илизи иб: "Марлирагу, наб ху гъанна наб нуйчивра имцали вигахъури". Гъанна, – виклар илизи. – бархъси пикриличичи вакири ху".

Амр бин ал-Асли бусурман дин къабулбарили глергъи, илини ибсири наб гъалав Аллагъла Расулличив хлейгуси адам левси ахленри, гъанна биалли иличив дигуси агара.

АЛЛАГЪЛА ХІИКМАТУНИ

744

Мукъарла канилизобра цубли декларбулхъуси сагаби-убси бацличи мешуси сурат лебри, бекличиб биалли цуба пискъапала сурат сабри.

Ил тамашала мукъарличилара хабар къалабали тинтби-уб ва ил чебаэс алавчарти шимазибад бахъал адамти музабухъун. Дагъиста дурабад булан музабухъунти лебри, масала, Самара, Тольятти ва цархилти шагъуртазибад.

Ил тамашала мукъара адамтази чебаахъес Дагъиста гялхъад шимази букибсири ва ил чебаибхъели адамти лебглеб тамашабирутири.

Мукъара бицалли, халаси багъа бедес хядурти булан цабахъал лебри, амма Мяхяммадовхъали ил бицес къабулхъебикиб. Ил дурхъна-чил хязтабиркъулри. Гъайла къантла, Мяхяммадовхъали тамашала мукъарличи чула хъалибаргла членничиван хербикулри. Ил муридешуна булан балхулри.

Баягъи ил дуслизб балуй шайзиб "Аллагъ" ва алгъай шайзиб "Мухламмад" ибти белклани лерси мукъара баркъиб Тляратала районна Гведишла шилизиб хербируси Пябдулгъапур Пябдулгъазивохъала хъалибарглисра. Марлирагу, тамашала замунти даклили сари, Къудратла ВеГли адамтази сунела хикматуни чедиахъули сай. Адамтасра Аллагъ имцали гъаниркахъес чебиркур. Нуша сен хердирутирал пикридулхъахъес ахленара илдигъунти анцбукъуни кадиркути?

Аллагъ икъалавиаб нушаб бархъси гъуйчирад черхедалкли дашахъес!

Пиргъяваннира бикъридеш дирули

Англиялизибси машгъурси Бритиш бикуси музейлизиб бихули леб лебглеб тамашала экспонат. Ил саби икрам бириси чянкъуси жаназа (мумия). Ил Египетла пирамидабала цала бухнаб ахленри баргибси, Хлунтлена урхъула дубларти берхилиур думжути, заб даралли думхъути къумлизиб сабри, амма заяхебиубли нушачи баили саби. Амма ил мумия цархилти мумиябазибад иличиблицун



ахлен декларбулхъуси, музейлизирклун дихлули гурра мумияби лер. Ил мумия цархилтиванра заябиубли ахлен, вайти шуртразибад бахъли калун биаллира. Илала муцурлизирти гъез булан кали сари. Цархилти мумиябала кумбазир дарг хледирар, амма ил мумияла духнар даргра кали сари. Гялимтани кабибахъур ил мумия хъабал азир дус биубли биъни. Илцад заманала духнар хъажатти шуртрачил гърдуцибти мумияби булан тлутукадирути сари.

Селизиба гъати ил за-хъебиънила дигъандеш?

Илис жаваб баргес вирули сай дурхъаси Къуръаннизиб. Илизиб пиргъяваннара Муса идбаглара (саламти сунес) ургабси дявилчила бурили саби.

Муса идбаг нушала манзиллис 1200 дус гъалав хлерирули калунсири, цархилван буралли, гъанналис хъабал азир дусличивра имцали гъалав. Итхъели левси пиргъяван сай аллагъ сайра виклури. Хлу адам сайри, хлура нушаван убкълусири, викълусири илизи Муса идбаг (Моисей), амма пиргъяван вирхаурси ахленри. Ил Муса идбаглис ва илала шайчи кабизурти адамтас гъелавадкаркусири ва илдачи дахъал къиян-жапа дялхичиу-сири. Сунела адамтачил Муса идбаг Египетлизибад цархил мерличичи аркъу хъелели, пиргъяван илдас халаси гъяскарличил гъергъиухъунсири ва илдас Хлунтлена урхъула дубла бетаибхъели гъевваибсири. Илаб аги лебглеб нукъсанбикибхъели, Муса идбаг Къудратла ВеГличи дугъайзурсири. Аллагъли идбаглизи гъяйсаличил урхъулис бяхъахъес хъарбариб. Мусани ил бариб. Илхъели урхъу клел бутгаличи декларкабикиб ва урхъула лутли гъаргибул ва Муса идба-

гра илала адамтира ил мерличибад башули Хлунтлена урхъулизибад бетахъбикиб.

Илдас гъергъибхъунси пиргъяванна гъяскар биалли Хлунтлена урхъули цахнабли сай пиргъяванничил барх къари-иб. Вебкълес гъалав пиргъяван ца Аллагъцун левниличичи вирхаур, амма ил къанни чевсаргъниличичи Къудратла ВеГ къабулхъейкиб. Дурхъаси Къуръанна аятунала цализив Къудратла ВеГ пиргъяванничичи ишкъьяда дугъайлизули сай (мягъна): "Ишбархли нушани хлечи хъарбирулра шиннизибад дуравхъахъес-хъела къаркъайс, хлед гъелабад бакибтази аргъахъес багъандан, Нушани далахъутачи адамтазибад бахъалгъунтани пикри бяхъичиули хъебиаллира".

Марлирагу, адамта пикрира бяхъичиули ахлен, хлула чебиусличира уркъби сукуртули кавлули сари. Бахъалгъунти адамти Аллагъли гъар секлал чузи чедиахъукъира, чула васвасъайзиб ибкъитили ва барскабибили кавлули саби.

Гъанналис урчлемдарш дус гъалав хлерирули калунси динна шайчивси гъялим аз-Замахшарини дурхъаси Къуръаннизибси "Юнус" бикулси сурализибси 92 ибил аятла мягъна ишкъьяда баянбирули сай: "Хлу урхъула дублабси чинилра хъясибхъебируси мерличичи дурайсури. Хъела къаркъала заябиахъес хъебатурли, мяхкамбирехле ва цахнабли кавлахъеле, чянкълули, палтар агарли, чумал даршдусла гъергъи лябкъутази чебаахъес ва хлу илдас мисалли виахъес".

Нуша сарра "чумал даршдусла гъергъи даклибти". Пиргъяванна заяхебиубли калунси къаркъала баргилра, амма илис бетаурсилизибад гъяшир касес дирули ахленра.

БАЛГА

Сафар базла бегла гъергъисси арбъаг

Сафар базла бегла гъергъисигъуна арбъаг бархли къулайагарсилиси халбируси саби, ил мартла 5-личил цугбиркули саби ишдус. Ил бархли гъялси саби 4 ракаглатла дехлибала дарни, гъергъисси ниятра барили: "Балагъ-къадарлизибад мяхкамдеш барес багъандан нуни суннатла дехлибала дарес ният барра Аллагъу акбар". Гъарил ракаглатлизиб Алхълмисли гъергъи сура "Инна агътайнака" ("Ал-Кавсар" сура) 17-на, Кълугъу ("Ал-Ихлас" сура) 5-на ва клелра Кълугъагузу ("Ал-Фаллак" сура) "Ан-Нас" сура) 5-на дучлути сари ва илала гъергъи иш балгара бируси саби

اللَّهُمَّ يَا شَدِيدَ الْقُوَى وَيَا شَدِيدَ الْمَحَالِ يَا عَزِيزَ ذَلَّتْ لِعَزَّتِكَ جَمِيعُ خَلْقِكَ بِكُنْفِي شَرُّ جَمِيعِ خَلْقِكَ يَا مُحْسِنُ يَا مُجْمِلُ يَا مُتَعَصِّلُ يَا مَنْعَمُ يَا مُكَرِّمُ يَا مَنْ لَا إِلَهَ إِلَّا أَنْتَ إِرْحَمْنِي بِرَحْمَتِكَ يَا أَرْحَمَ الرَّاحِمِينَ اللَّهُمَّ بِسْمِ الْحَسَنِ وَأَخِيهِ وَأَبِيهِ وَجَدِّهِ وَأُمِّهِ وَبَنِيهِ بِكُنْفِي شَرُّ هَذَا الْيَوْمِ وَمَا يَنْتَوِي فِيهِ يَا كَافِيَ الْمُهْمَاتِ يَا دَافِعَ الْبَلِيَّاتِ فَسَكِّفِكْهُمْ اللَّهُ وَهُوَ السَّمِيعُ الْعَلِيمُ وَحَسِّنَا اللَّهُ وَنِعْمَ الْوَكِيلُ نِعْمَ الْمَوْلَى وَنِعْمَ النَّصِيرُ وَلَا حَوْلَ وَلَا قُوَّةَ إِلَّا بِاللَّهِ الْعَلِيِّ الْعَظِيمِ وَعَمَلَى اللَّهِ عَلَيَّ نَبِينَا مُحَمَّدٍ خَيْرِ خَلْقِهِ وَعَمَلَى آلِهِ وَأَصْحَابِهِ أَجْمَعِينَ.

РУЗНАМА

МАРТ

Table with 7 columns: Day, Sunrise, Sunset, Night, Morning, Noon, Evening. Rows 1-30.

Publication information including publisher details (Учредитель, Главный редактор, Редактор), contact info, and registration details (Газета зарегистрирована, Отпечатана в ООО).